



অবিলম্বে প্রকাশের উদ্দেশ্যে: 3/26/2021

গভর্নর অ্যাল্ডু এম. কুওমো

গভর্নর কুওমো স্টেটব্যাপী ব্যবসা এবং বিনোদন ভেন্যু দ্রুত পুনরায় খুলতে সহায়তা করার জন্য এক্সেলসিয়র পাস চালু করার ঘোষণা দিয়েছেন

ডিজিটাল পাস নিউ ইয়র্ক স্টেটের নির্দেশিকাগুলির সাথে সামঞ্জস্য রেখে বিনামূল্যে COVID-19 ডায়াগনোসিস বা নেগেটিভ COVID-19 টেস্টের স্ট্যাটাস শেয়ার করার জন্য স্বেচ্ছাসেবী উপায় অফার করে

সফল পাইলট অনুসরণ করে IBM-এর সাথে যৌথভাবে প্রমাণিত, সুরক্ষিত প্রযুক্তি বিকাশ লাভ করেছে

প্রাথমিক উদ্বোধনের অংশ হিসেবে, এক্সেলসিয়র পাস নিউ ইয়র্ক স্টেটের নির্দেশিকা অনুযায়ী থিয়েটার, প্রধান স্টেডিয়াম এবং অ্যাবোনা, বিবাহ অভ্যর্থনা, ক্যাটারড ইভেন্টস এবং অন্যান্য ইভেন্টে অংশগ্রহণের মাধ্যমে ব্যবহার করা যেতে পারে

ম্যাডিসন স্কোয়ার গার্ডেন এবং টাইমস ইউনিয়ন সেন্টার এক্সেলসিওর পাস কার্যকর করবে; প্রোগ্রাম প্রসারিত হওয়ার সাথে সাথে অতিরিক্ত অবস্থানগুলি এই প্ল্যাটফর্ম ব্যবহার শুরু করবে

আগ্রহী নিউ ইয়র্কবাসীগণ এক্সেলসিওর পাস ব্যবহার করতে অস্ট-ইন করতে পারেন এবং আরো শিখতে পারেন [এখানে](#); আগ্রহী ব্যবসায়ীগণ অস্ট-ইন করতে পারেন এবং আরো শিখতে পারেন [এখানে](#)

এক্সেলসিওর পাসের চিত্রগুলি পাওয়া যাবে [এখানে](#)

গভর্নরের 2021 সালের স্টেট অব দ্য স্টেট ভাষণের প্রথম ঘোষিত উদ্যোগ

গভর্নর অ্যাল্ডু এম. কুওমো আজ এক্সেলসিয়র পাস চালু করার ঘোষণা দিয়েছেন- ইন্টারন্যাশনাল বিজনেস মেশিন কর্পোরেশন (IBM)-এর সাথে যৌথভাবে বিকশিত একটি বিনামূল্যে, স্বেচ্ছাসেবী প্ল্যাটফর্ম, যা একজন ব্যক্তির সাম্প্রতিক নেগেটিভ পলিমারেজ চেইন রিঅ্যাকশন (Polymerase Chain Reaction, PCR) বা এন্টিজেন পরীক্ষার ফলাফল বা টিকাদানের প্রমাণ নিশ্চিত করার জন্য প্রমাণিত, নিরাপদ প্রযুক্তি ব্যবহার করে। একটি মোবাইল এয়ারলাইন বোর্ডিং পাসের মতো, ব্যক্তিগণ তাদের পাস প্রিন্ট আউট করতে পারবেন অথবা এক্সেলসিয়র পাসের ওয়ালেট অ্যাপ

ব্যবহার করে তাদের স্মার্টফোনে সংরক্ষণ করতে পারবেন। প্রতিটি পাসের একটি নিরাপদ QR কোড থাকবে, যা অংশগ্রহণকারী ব্যবসা প্রতিষ্ঠান এবং ভেন্যুগুলিকে COVID-19 নেগেটিভ পরীক্ষার ফলাফল বা টিকাদানের প্রমাণ যাচাই করতে একটি সহযোগী অ্যাপ ব্যবহার করে স্ক্যান করতে পারবে। ব্যক্তির তথ্য সবসময় সুরক্ষিত এবং গোপনীয় রাখা হয়।

এই প্রাথমিক উদ্বোধনের অংশ হিসেবে, অংশগ্রহণকারী নিউ ইয়র্কবাসীগণ বড় বড় স্টেডিয়াম এবং অ্যারেনা, বিয়ের অভ্যর্থনা অথবা ক্যাটারড এবং সামাজিক সমাবেশের সীমা ছাড়িয়ে অন্যান্য অনুষ্ঠানে প্রবেশের জন্য তাদের COVID-19 টিকাদান বা নেগেটিভ পরীক্ষার ফলাফল যাচাই করতে এক্সেলসিয়র পাস ব্যবহার করতে পারেন। আগ্রহী নিউ ইয়র্কবাসীগণ এক্সেলসিয়র পাস ব্যবহার করতে অস্ট-ইন করতে পারেন এবং আরো জানতে পারেন [এখানে](#); আগ্রহী নিউ ব্যবসায়ীগণ অস্ট-ইন করতে পারেন এবং আরো জানতে পারেন [এখানে](#)। প্রধান ভেন্যুগুলো ইতোমধ্যে ঘোষণা করেছে যে আগামী সপ্তাহগুলোতে তারা এই প্রযুক্তি ব্যবহার শুরু করবে, যার মধ্যে রয়েছে আগামী সপ্তাহে নিউ ইয়র্ক সিটির ম্যাডিসন স্কেয়ার গার্ডেন এবং আলবানির টাইমস ইউনিয়ন সেন্টার। 2 এপ্রিল থেকে, এক্সেলসিয়র পাস ছোট শিল্প, বিনোদন এবং ইভেন্ট ভেন্যুতে সম্প্রসারিত হবে।

"নিউ ইয়র্কবাসী প্রমাণ করেছে যে তারা COVID-কে পরাজিত করতে জনস্বাস্থ্য নির্দেশিকা অনুসরণ করতে পারে এবং অর্থনীতির আরো সেক্টরগুলি নিরাপদে পুনরায় খোলা রাখতে এবং ব্যক্তিগত তথ্য সুরক্ষিত রাখতে ভাইরাসের বিরুদ্ধে লড়াই করার জন্য উদ্ভাবনী এক্সেলসিয়র পাসটি আমাদের নতুন টুলবক্সের অন্য একটি হাতিয়ার," **গভর্নর কুওমো বলেন।** "জনস্বাস্থ্য বা অর্থনীতির' প্রশ্নে সবসময়ই একটি মিথ্যা পছন্দ রয়েছে -- এর উত্তর অবশ্যই উভয়ই হবে। যেহেতু প্রতিদিন আরো বেশি নিউ ইয়র্কবাসীকে টিকা দেওয়া হয় এবং যখন প্রধান জনস্বাস্থ্য মেট্রিক নিয়মিতভাবে মাসের মধ্যে তাদের সর্বনিম্ন হারে পৌঁছাতে থাকে, ফাস্ট-ইন-দ্য-নেশন এক্সেলসিয়র পাস আমাদের চিন্তাশীল, বিজ্ঞানভিত্তিক পুনরায় খোলার পরবর্তী পদক্ষেপ ঘোষণা করে।"

নিউ ইয়র্ক স্টেট মার্কিন যুক্তরাষ্ট্রের প্রথম স্টেট যা এই সম্ভাব্য রূপান্তরমূলক প্রযুক্তি আনুষ্ঠানিকভাবে চালু করেছে। উদ্বোধনের আগে, সাম্প্রতিক সপ্তাহগুলোতে দুইটি সফল পাইলট বিস্ফোভ অনুষ্ঠিত হয়, বিটা পরীক্ষার পাশাপাশি হাজার হাজার নিউ ইয়র্কবাসী ব্যবহারকারী ইন্টারফেস এবং ফলাফল সম্পর্কে মতামত প্রদানের জন্য প্রযুক্তির একটি সীমিত রোল আউটে অংশগ্রহণ করে।

আগ্রহী নিউ ইয়র্কবাসীগণ অ্যান্ড্রয়েডের জন্য [এখানে](#) এবং iOS এর জন্য [এখানে](#) এক্সেলসিয়র পাস ওয়ালেট অ্যাপ ডাউনলোড করতে পারবেন। আগ্রহী নিউ ইয়র্কবাসীগণ অ্যান্ড্রয়েডের জন্য [এখানে](#) এবং iOS এর জন্য [এখানে](#) এক্সেলসিয়র পাস স্ক্যানার অ্যাপটি ডাউনলোড করতে পারবেন।

IBM পাবলিক অ্যান্ড ফেডারেল মার্কেটের জেনারেল ম্যানেজার স্টিভ লাক্লেচ

বলেন, "উদ্ভাবনশীল প্রযুক্তি ব্যবহার করে COVID-19 এর প্রতি সাড়া দিয়ে অধিবাসী এবং কমিউনিটিকে সহায়তা করতে নিউ ইয়র্ক স্টেটকে সমর্থন করতে পেরে IBM গর্বিত। একটি নমনীয় এবং অ্যাক্সেসযোগ্য সরঞ্জাম বেছে নেওয়ার ক্ষেত্রে যা নিরাপত্তা এবং গোপনীয়তাকে তার মূলে রাখে,

স্টেট জনস্বাস্থ্য সুরক্ষায় সচেতন হয়ে ওঠার পাশাপাশি কিভাবে নতুন, প্রযুক্তি-সক্ষম পদ্ধতিগুলি অর্থনীতিকে নিরাপদে পুনরুদ্ধারে সহায়তা করতে পারে তা সারা দেশের জন্য মডেলিং করছে।"

এক্সেলসিয়র পাস [IBM এর ডিজিটাল হেলথ পাস সমাধানের](#) উপর নির্মিত এবং অন্তর্নিহিত চিকিৎসা এবং ব্যক্তিগত তথ্য শেয়ার করার প্রয়োজন ছাড়াই পরীক্ষার ফলাফল এবং টিকা রেকর্ডের মতো স্বাস্থ্য সংক্রান্ত প্রমাণপত্রাদির নিরাপদ যাচাই সক্ষম করার জন্য ডিজাইন করা হয়েছে। এই প্রযুক্তি নমনীয় এবং স্কেল করার জন্য নির্মিত, অন্যান্য স্টেটকে যোগদান করার এবং মহামারি পরবর্তী বাস্তবতায় একটি নিরাপদ, বিশ্বস্ত রূপান্তরে সহায়তা করার সুযোগ করে দেয়। এছাড়াও পাসটি প্রিন্ট করা যেতে পারে এবং এটি অন্যান্য ধরনের প্রমাণের পরিপূরক যা পৃষ্ঠপোষকগণ ব্যবহারের ক্ষেত্রে যেকোনো বাধা হ্রাস করে ব্যবহার করতে পারবেন।

ব্যক্তির গোপনীয়তা রক্ষার উপর বিশেষ জোর দেওয়া হয়েছে। নিরাপদ প্রযুক্তি, যেমন- ব্লকচেইন এবং এনক্রিপশন, ডেটা রক্ষায় সহায়তা করার জন্য এক্সেলসিয়র পাস জুড়ে বোনা হয়, এটিকে যাচাইযোগ্য এবং বিশ্বস্ত করে তোলে। অ্যাপসের মধ্যে কোনো ব্যক্তিগত স্বাস্থ্যের ডেটা সংরক্ষণ বা ট্র্যাক করা হয় না। ব্যক্তিগত স্বাস্থ্যের বিস্তারিত বিবরণ শেয়ার না করে ডিজিটাল স্মার্টফোন ওয়ালেট বা মুদ্রিত প্রমাণপত্রাদির মাধ্যমে COVID-19 টিকাদান বা নেগেটিভ পরীক্ষার ফলাফলের প্রমাণ হিসেবে স্বেচ্ছায় একটি QR কোড দেখাতে এক্সেলসিয়র পাস ব্যবহার করা যেতে পারে।

ব্যক্তিগত স্বাস্থ্য তথ্যের ইনটেগ্রিটি নিশ্চিত করতে একাধিক নিরাপত্তা ব্যবস্থা চালু আছে। এক্সেলসিয়র পাস ইকুইটি এবং সমান প্রবেশাধিকারসহ ডিজাইন করা হয়েছে। বহু-ভাষা অ্যাক্সেস, একটি শক্তিশালী সহায়তা ডেস্ক এবং এক্সেলসিয়র পাস ব্যবহারের একাধিক উপায় - আপনার একটি স্মার্টফোন থাকুক বা না থাকুক - নিউ ইয়র্ক নিশ্চিত করতে প্রতিশ্রুতিবদ্ধ যে সকল নিউ ইয়র্কবাসী আমাদের অর্থনীতির নিরাপদ, সুবিধাজনক এবং দায়িত্বশীল পুনরায় খুলতে অংশগ্রহণ করতে পারে।

নিম্নলিখিত ল্যাবগুলো স্টেট ডিপার্টমেন্ট অব হেলথস (State Department of Health) ইলেকট্রনিক ক্লিনিক্যাল ল্যাবরেটরি রিপোর্টিং সিস্টেম (Electronic Clinical Laboratory Reporting System, ECLRS)-এর কাছে COVID পরীক্ষার ফলাফলগুলির দ্রুত রিপোর্ট করতে প্রতিশ্রুতিবদ্ধ, যা নিশ্চিত করতে সহায়তা করবে যে এক্সেলসিয়র পাস ব্যবহারকারীগণ একটি ঘটনার আগে প্রয়োজনীয় উইন্ডোতে তাদের পরীক্ষার ফলাফল পেতে সক্ষম: অ্যাকিউটিস ডায়াগনস্টিকস, এজিস সায়েন্সেস কর্পোরেশন, বাইয়োরেফারেন্স ল্যাবরেটরি, বোস্টন হার্ট ডায়াগনস্টিকস, ব্রড ইনস্টিটিউট, কায়ুগা মেডিকেল সেন্টার, ক্ল্যারিটি ল্যাব সলিউশনস, লেনকো ডায়াগনস্টিক ল্যাবরেটরি, মাউন্ট সিনাই হসপিটালস সেন্টার ফর ক্লিনিক্যাল ল্যাবরেটরিজ, নর্থওয়েল হেলথ, র্যাপিড রিলায়েবল টেস্টিং এবং UR মেডিসিন ল্যাবস। অংশীদারদের এই তালিকা প্রসারিত করতে এবং প্রতিবেদন ত্বরান্বিত করার জন্য স্টেট অন্যান্য ল্যাব এবং দ্রুত পরীক্ষামূলক সাইটের সাথে কাজ করে যাচ্ছে যাতে ব্যবহারকারীগণ অর্থনৈতিক ও সামাজিক কর্মকাণ্ডে অংশগ্রহণের জন্য সন্নিবেশিত, সঠিক ফলাফল পান।

MSG স্পোর্টসের নির্বাহী চেয়ারম্যান এবং MSG এন্টারটেইনমেন্টের নির্বাহী চেয়ারম্যান এবং প্রধান নির্বাহী কর্মকর্তা জেমস ডোলান বলেন, "আমরা কৃতজ্ঞ যে স্টেট আমাদের অঞ্চল জুড়ে ব্যবসা নিরাপদে এবং দ্রুত পুনরায় খোলার জন্য যথাসাধ্য চেষ্টা করছে। এক্সেলসিয়র পাস মানুষকে নিরাপদে জড়ো হওয়ার অনুমতি দিতে একটি গুরুত্বপূর্ণ ভূমিকা পালন করবে, যা নিউ ইয়র্কের পুনরুদ্ধারের জন্য অত্যন্ত গুরুত্বপূর্ণ। এক্সেলসিয়র পাস পাইলটের অংশ হতে পেরে আমরা গর্বিত এবং এই কর্মসূচিতে অংশগ্রহণের জন্য উদগ্রীব।"

টাইমস ইউনিয়ন সেন্টারের জেনারেল ম্যানেজার বব বেলবার বলেন, "টাইমস ইউনিয়ন সেন্টার এই প্ল্যাটফর্ম ব্যবহার করতে এবং ভবিষ্যতের ইভেন্টের জন্য এই চমৎকার প্রযুক্তি উপলভ্য করতে উদগ্রীব। এক্সেলসিয়র পাসের সুবিধার সাথে, অংশগ্রহণকারীগণ একটি মোবাইল ডিভাইসে টিকাদান বা নেগেটিভ পরীক্ষার ফলাফলের প্রমাণ দেখিয়ে জনস্বাস্থ্যের প্রচারের সময় সহজেই মাঠে প্রবেশাধিকার পেতে পারবেন। এটি আমাদের ভেন্যুর অব্যাহত পুনঃখোলার প্রক্রিয়া এবং রাজধানী অঞ্চল ও এর বাইরে নিউ ইয়র্কবাসীদের জন্য একটি গেম চেঞ্জার হবে।"

আন্তর্জাতিক ডেটা কর্পোরেশন (IDC) ওয়ার্ল্ডওয়াইড ব্লকচেইন স্ট্র্যাটেজির গবেষণা পরিচালক জেমস ওয়েস্টার বলেন, "আমরা সৌভাগ্যবান যে প্রযুক্তিগুলি টিকাদান এবং স্বাস্থ্যের অবস্থা সুরক্ষিত এবং প্রমাণীকরণে ভূমিকা রাখতে পারে, ব্যক্তির কী, কোথায় এবং কখন ডেটা শেয়ার করা হয় তা নিয়ন্ত্রণে রাখে। আমরা কিভাবে আমাদের স্বাস্থ্যের অবস্থায় স্বেচ্ছাসেবক হিসেবে কাজ করি সে বিষয়ে মতামত থাকলে শেষ পর্যন্ত আমাদের সবাইকে দ্রুত স্বাভাবিক অবস্থায় ফিরে আসতে সহায়তা করবে।"

পার্টনারশিপ ফর নিউ ইয়র্ক সিটির প্রেসিডেন্ট এবং প্রধান নির্বাহী কর্মকর্তা, ক্যাথরিন ওয়াইল্ড, বলেছেন, "ব্যবসায়ী কমিউনিটি আমাদের শহরের কর্মীদের অফিসে ফিরিয়ে আনতে, নিরাপদে বিনোদনের স্থান এবং রেস্টুরেন্ট পুনরায় খুলতে এবং আরো অনেক কিছুতে আগ্রহী। এক্সেলসিয়র পাস একটি রোমাঞ্চকর নতুন হাতিয়ার যা আমাদের স্টেট অর্থনৈতিক পুনরুদ্ধারকে ত্বরান্বিত করবে। চাকরি পুনরুদ্ধার এবং মহামারীকে অতিক্রম করার ক্ষেত্রে এটি নিউ ইয়র্কের অগ্রগামী দৃষ্টিভঙ্গির প্রমাণ।"

NY ইন্ডিপেন্ডেন্ট ভেন্যু অ্যাসোসিয়েশনের প্রতিষ্ঠাতা এবং মিনরেড প্রোডাকশনের মালিক জেন লিওন বলেন, "নিউ ইয়র্ক ইন্ডিপেন্ডেন্ট ভেন্যু অ্যাসোসিয়েশন (New York Independent Venue Association, NYIVA) খুবই উৎসাহিত যে নিউ ইয়র্ক আমাদের ভেন্যু খোলার উপায় এবং আমাদের শ্রোতাদের সুরক্ষিত রাখার উপায়ের জন্য সমাধান তৈরিতে নেতৃত্ব দিচ্ছে। এটা বন্ধ হওয়ার দীর্ঘ এক বছর হয়ে গেছে এবং আমাদের সামনে অনেক কাজ আছে যতক্ষণ না আমরা নিউ ইয়র্ক স্টেটকে শিল্প এবং সংস্কৃতিতে ফিরিয়ে আনতে পারি যা আমাদের সবসময়ই ছিল। আমরা গভর্নরের পুনঃউদ্বোধনী দলের সাথে হাত মিলিয়ে কাজ চালিয়ে যাওয়ার অপেক্ষায় আছি যাতে আমাদের সদস্যগণ আমাদের শিল্প ও সংস্কৃতি খাতকে পুনরুজ্জীবিত করতে তাদের প্রয়োজনীয় সরঞ্জাম এবং সমর্থন প্রদান করতে পারে।"

নিউ ইয়র্ক স্টেট হসপিটালিটি অ্যান্ড ট্যুরিজম অ্যাসোসিয়েশনের প্রেসিডেন্ট মার্ক

ডোর বলেন, "এক্সেলসিয়র পাস এই ধরনের উদ্ভাবনী, অগ্রগামী চিন্তার একটি বড় উদাহরণ যে COVID সংকট থেকে বেরিয়ে আসার সাথে সাথে পর্যটন শিল্পকে নিরাপদে কাজে ফিরে যেতে হবে। এই প্রথম এই ধরনের স্টেট অ্যাপটি আমাদের সদস্যদের জন্য স্টেট নির্দেশিকার অধীনে নিরাপদে অনুষ্ঠান আয়োজন করা সহজ করবে এবং আমরা আমাদের সদস্য এবং অতিথিদের জন্য এটি ব্যবহার করার জন্য প্রত্যাশায় রয়েছি।"

নিউ ইয়র্ক স্টেট ট্যুরিজম ইন্ডাস্ট্রি অ্যাসোসিয়েশনের (New York State Tourism Industry Association, NYSTIA) প্রেসিডেন্ট এবং প্রধান নির্বাহী কর্মকর্তা বব প্রভোস্ট বলেন, "নিউ ইয়র্ক স্টেটের এক্সেলসিয়র পাস পর্যটন শিল্প এবং ভোক্তা উভয়ের জন্য একটি অমূল্য সম্পদ হবে। এটি ভেন্যুর জন্য প্রক্রিয়া স্ট্রিমলাইন করার সময় পরীক্ষা এবং টিকাদানের অবস্থা যাচাইয়ের নির্ভুলতা নিশ্চিত করবে এবং জনগণকে বর্ধিত সুবিধা এবং নিরাপত্তা প্রদান করবে। সবাই জিতেছে! নিউ ইয়র্ক স্টেটকে ধন্যবাদ সর্বোত্তম অনুশীলনে আরেকটি স্বর্ণমান নির্ধারণের জন্য।"

নিউ ইয়র্ক স্টেট রেস্টুরেন্ট অ্যাসোসিয়েশনের প্রেসিডেন্ট এবং প্রধান নির্বাহী কর্মকর্তা মেলিসা ফ্লেইশট বলেন, "অর্থনীতি পুরোপুরি পুনরায় খোলা অত্যন্ত গুরুত্বপূর্ণ এবং অ্যাপটি একটি গুরুত্বপূর্ণ হাতিয়ার যা এটি ঘটাতে সহায়তা করতে পারে। আমাদের সদস্যগণ এই ধরনের যেকোনো প্রচেষ্টাকে সমর্থন করে যাতে অর্থনীতি পুনরায় নিরাপদ এবং শক্তিশালীভাবে খোলা যায়।"

এম্পায়ার স্টেট রেস্টুরেন্ট অ্যান্ড ট্যাভার্ন অ্যাসোসিয়েশনের নির্বাহী পরিচালক স্কট ওয়েক্সলার বলেন, "এক্সেলসিয়র পাস উদ্যোগ স্টেটের আতিথেয়তা শিল্পকে স্থিতিশীল করার জন্য একটি গুরুত্বপূর্ণ পদক্ষেপ। এটি আমাদের পৃষ্ঠপোষকদের একটি হাতিয়ার প্রদান করবে যাতে তারা শিল্প, সাংস্কৃতিক, খেলাধুলা এবং অন্যান্য সামাজিক কর্মকাণ্ডে ফিরে আসে যা নিউ ইয়র্ককে বসবাস, কাজ এবং খেলার জন্য একটি চমৎকার স্থান করে তোলে।"

মাজোন হসপিটালিটির কেটারিং এর ভাইস প্রেসিডেন্ট শন উইলকক্সন বলেন, "এক্সেলসিয়র পাস একটি রোমাঞ্চকর হাতিয়ার যা টিকাদান এবং পরীক্ষার রেকর্ড যাচাই করার একটি নিরাপদ এবং কার্যকর উপায় প্রদান করে, যা মাজোন হসপিটালিটির মতো কেটারারদের নিরাপদে অনুষ্ঠানের আয়োজন করতে সহায়তা করে। স্টেটের নিরাপদ পুনরায় খোলা এবং এই হাতিয়ারের প্রকাশ একটি দুর্দান্ত সহায়তা হবে যখন আমরা আমাদের দরজা খুলে দেব এবং অতিথিদের স্বাগত জানাবো এবং নিউ ইয়র্ক স্টেটের উদ্ভাবনী সমর্থনের জন্য আমরা কৃতজ্ঞ।"

স্টেট ইউনিভার্সিটি অব নিউ ইয়র্ক (SUNY) এর চিফ অপারেটিং অফিসার বেথ বার্লিন

বলেন, "নিউ ইয়র্ক স্টেটের COVID-19 এর প্রথম আক্রান্তের এক বছরেরও বেশি সময় পার হয়ে গেছে এবং আমাদের শিক্ষার্থী, শিক্ষক এবং কর্মচারী—এবং আমরা যেসব কমিউনিটিতে সেবাদান করি—এই ভাইরাসের বিরুদ্ধে লড়াইয়ে সহায়তা করার জন্য অনেক কিছু করেছে। যেহেতু আমরা সবাই একে অপরকে রক্ষা করার জন্য কঠোর পরিশ্রম করছি, উদ্ভাবনী এক্সেলসিয়র পাস এবং অন্যান্য সরঞ্জাম আমাদের নিরাপদে আরো ব্যক্তিগতভাবে পুনরায় শুরু করতে সহায়তা করবে, যা

আমাদের অর্থনীতির প্রত্যাবর্তন স্বরাশ্রিত করতে এবং আরো স্বাভাবিক সময়ে ফিরে আসতে সহায়তা করবে।"

নিউ ইয়র্ক সিটি ইউনিভার্সিটি (CUNY) এর নির্বাহী ভাইস চ্যান্সেলর এবং চিফ অপারেটিং অফিসার হেন্স্টের বাতিস্তা বলেন, "এক্সেলসিয়র পাস আমাদের কমিউনিটিকে টিকাদান এবং পরীক্ষার রেকর্ড যাচাই করার একটি সুবিধাজনক উপায় প্রদান করবে, যা CUNY-কে স্টেট নির্দেশিকা অনুযায়ী নিরাপদে পুনরায় ইভেন্ট শুরু করতে সহায়তা করবে। এই স্টেট অ্যাপটি একটি গুরুত্বপূর্ণ হাতিয়ার হবে যেহেতু আমাদের রাষ্ট্রের নিরাপদ পুনরায় খোলা অব্যাহত রয়েছে এবং আমরা নিউ ইয়র্ক স্টেটের উদ্ভাবনী সমর্থনের জন্য কৃতজ্ঞ।"

নিউ ইয়র্ক ফরওয়ার্ড রিওপেনিং এর উপদেষ্টা বোর্ডের সহ-সভাপতি এবং এম্পায়ার স্টেট ডেভেলপমেন্ট বোর্ড অব ডিরেক্টরস এর চেয়ারম্যান স্টিভেন এম. কোহেন বলেন, "যেহেতু আমরা একটি নিরাপদ এবং স্মার্ট অর্থনৈতিক পুনরুদ্ধারের পথে এগিয়ে চলেছি, এক্সেলসিয়র পাস একটি অগ্রগামী নতুন প্ল্যাটফর্ম যা নিউ ইয়র্কবাসীদের তাদের পছন্দের কর্মকাণ্ডে ফিরে যেতে সহায়তা করবে। এই নিরাপদ, উদ্ভাবনী এবং সহজে ব্যবহারের প্রযুক্তি স্টেট জুড়ে নিউ ইয়র্কের বাসিন্দা এবং ব্যবসাকে সমানভাবে সমর্থন করবে এবং সমগ্র জাতিকে অনুসরণ করার জন্য একটি দৃষ্টান্ত স্থাপন করবে।"

MTA-এর চেয়ারম্যান ও প্রধান নির্বাহী কর্মকর্তা প্যাট্রিক জে. ফোয়ি বলেন, "নিউ ইয়র্কবাসী এবং পর্যটকগণ সমানভাবে এই অঞ্চল জুড়ে কাজ এবং সামাজিক অনুষ্ঠানে ফিরে আসতে শুরু করেছে এবং মহানগর পরিবহন কর্তৃপক্ষ (Metropolitan Transportation Authority, MTA) কখনই তাদের সেবা করার জন্য এতো বেশি প্রস্তুত হয়নি। গত এক বছর ধরে, আমাদের বীরত্বপূর্ণ সামনের সারির কর্মীগণ শহরের বীরত্বপূর্ণ সামনের সারির কর্মীদের পরিবহনের জন্য নিরলসভাবে কাজ করেছে। আমরা আমাদের সাবওয়ে, বাস এবং যাত্রী রেলপথে নিরাপত্তা এবং পরিচ্ছন্নতা বজায় রেখেছি। MTA নিউ ইয়র্কে যাওয়ার সবচেয়ে ভালো উপায় এবং মহামারীর পর ধীরে ধীরে এবং নিরাপদে জীবনে ফিরে আসার কারণে এই অঞ্চলের সেবা করতে পেরে আমরা গর্বিত।"

গভর্নর কুওমো সম্প্রতি [নিউ ইয়র্ক ফরওয়ার্ড র্যাপিড টেস্ট প্রোগ্রাম](#) সম্প্রসারণের ঘোষণা দিয়েছেন ব্যবসা, ক্যাটারড ইভেন্ট, ভক্তদের সাথে পেশাদারী ক্রীড়া খেলা এবং ইভেন্ট, শিল্প এবং বিনোদন ভেন্যু নিরাপদে পুনরায় খোলা, যেখানে ডজন খানেক সাইট এখন স্টেটব্যাপী খোলা আছে। এই অনন্য সরকারি-বেসরকারি অংশীদারিত্ব বর্ধিত অর্থনৈতিক ক্রিয়াকলাপকে সমর্থন করার জন্য জনসাধারণের কাছে স্বল্প ব্যয়ে দ্রুত পরীক্ষা আরো সহজলভ্য করে তোলে, কারণ স্টেট অর্থনীতির ক্ষেত্রগুলি পুনরায় চালু করা অব্যাহত রেখেছে। সকল অংশগ্রহণকারী পরীক্ষা প্রদানকারী ECLRS-এ COVID-19 পরীক্ষার ফলাফল দ্রুত প্রতিবেদন করতে প্রতিশ্রুতিবদ্ধ, যা এক্সেলসিয়র পাসের সাথে একীভূত করতে প্রতিশ্রুতিবদ্ধ। প্রোগ্রাম সম্পর্কে আরো জানুন এবং একটি অ্যাপয়েন্টমেন্ট নির্ধারণ করুন [এখানে](#)।

আরো সংবাদ পেতে দেখুন www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)